

Dienelkander

Nuusbrief van die Gereformeerde Kerk Potchefstroom-Oos

6 Augustus 2017

OGGENDDIENS: Ds. Piet

Die doop word vanmore bedien aan Bjorn, die baba van Tiaan en Marietjie Knoetze. Baie geluk aan julle en ook aan oupa en ouma Hannes en Carina Coetzee. Ons is saam met julle dankbaar.

Skriflesing: Spreuke 4 en 1 Konings 2: 1 - 4

Teks: Spreuke 4: 1 – 4, 11

Tema: In Christus ontvang jou kinders die volle en ware lewe, lei hulle na Hom toe.

Ons het twee Sondae gelede in Heb. 1 gesien dat Christus die sentrale rol in ons geloofslewe moet speel. Hy is die finale en grootste openbaring van God. Verlede Sondag het ons gesien dat Hy ook die hoofrol in ons daagliks werk speel omdat ons vir Hom werk en nie vir mense of vir onsself nie. Vanmore kom staan Christus ook as sentrale Wysheid in die opvoeding van ons kinders.

In Hom ontvang jou kind die ware en volle lewe en daarom is ons eerste prioriteit as ouers en gemeente om ons kinders na Christus toe te lei. En jy kan dit as ouer net doen as jy self met die grootste Wysheid in jou hart lewe.

Lofsang met die oog op die erediens

Lied 292: 1, 2 en Lied 287: 1 (almal), 2 (brs), 3 (srs) en vers 4 (ouers vir kinders)

Ontmoetingsdiens

Intreelied Sb 12–3: 1, 2; Votum; Seën;

Loflied Ps 89-1: 1, 2, 6; Geloofsbelofte insake die doop: HK Sondag 26 vr 69 en 70

Verootmoedigingsdiens

Wetlesing: dele uit Deut.6; Sing Ps 119-2: 1, 2; Gebed

Sakramentsbediening

Doopformulier; Doopbediening; Sing na die doop: Sb 16-1: 1, 2, 7

Woorddiens

Skriflesing; Sing Ps 19-3: 3 (Kinders na kleuterbediening); Woordverkondiging

Antwoorddiens

Gebed; Liefdegawes; Sing Ps 128-1: 1, 3; Seën; Amen Sb13-3.

AANDDIENS: Prof. Naas Ferreira

Skrifgedeelte: Jeremia 45

Moenie enigsins mislei word deur anders te dink nie, - dit is nie maklik om 'n dienskneg van God in hierdie wêreld te wees nie. Die Here vra en verwag groot offers en oofferings van elkeen van Sy kinders. Jy moet weet dat wanneer jy volkome inskakel by Sy wil vir jou lewe, daar baie dinge is wat met jou gaan gebeur. Die vraag is: Is jy bereid daartoe en - is jy gereed daarvoor? Baruk, die sekretaris van Jeremia word in ons voorgelese gedeelte skielik en onverwags met hierdie feit gekonfronteer.

Om dienskneg van God te wees beteken dat jy voluit deel is van dit waarmee God besig is in hierdie wêreld. Die Here betrek Sy kinders by 'n stryd. Ons is nie op vakansie of toeskouers op 'n pawiljoen nie. Dieselfde gesindheid wat in Jesus Christus was, moet ook nou in ons eie lewens sigbaar word.

Christenskap vra opofferings! Is jy bereid daar toe - en is jy gereed daarvoor?

Ontmoetingsdiens

Intreelied: Sb1-2: 1, 2 en 3; Votum; Seën;
Loflied Ps 100-1: 1-4; Gebed

Woorddiens

Skriflesing; Sing Ps 105-1: 2 en 3;
Woordverkondiging;

Antwoorddiens

Gebed; Liefdegawes; Slotsang Sb 15-7: 4, 5
en 6; Seën; Amenlied Sb 13-3.

MEELEWING

- Esta du Plooy (Groep 33 - 082 532 3510) ondergaan eerskomende Woensdag 'n heupvervanging operasie.
- Miemie de Beer (Groep 26 - 084 896 9094) het bronchitus en sterk tuis aan.
- Frans du Preez (Groep 34 - 082 834 2120) het las van 'n gebarste nekwerwelkussing en ervaar baie pyn en ongemak.
- Koot van der Walt (Groep 38 - 079 395 2789) sukkel met ingewandsprobleme na sy groot operasie.
- Nansi de Klerk (Groep 1 - 072 199 6339) se kleinkind is met kanker gediagnoseer.

Ons bid dat die Here spoedig beterskap, herstel en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Hester Buys, Anna Scholtz, Isak vd Walt, Tjaart Snyman, Okkie Rheeder, Andy en Blossom Pretorius en Koos en Marlene Jooste.

ONDERSTEUNING VIR SIEKES

Vir ondersteuning of besoek deur die hospitaalbesoeke-diensgroep, skakel hierdie week vir: siekies@oosdoppers.co.za of Hannetjie du Plessis (072 827 4744)

DS PIET MET VERLOF TOT EN MET 20 AUGUSTUS

Ds Piet en Rieëtte is vanaf more tot 20 Augustus met verlof. Hy sal weer Maandag 21 Augustus in die tuig wees. Ds Pieter staan volledig vir ds Piet in en lidmate kan hom met vrymoedigheid skakel.

HARTLIK WELKOM!

Ons heet vandag vir Ds Pieter van der Walt en sy vrou, Marthie, baie welkom in ons midde. Hy gaan vir ons hulpdiens lewer met pastorale werk, prediking en siekebesoeke. Hy gaan in besonder groepe 27, 28 en 39 en 'n hele aantal individuele senior lidmate onder sy sorg neem. Ontvang hom op kenmerkende Oosdopper-gasvryheid in julle huise.

'n Bietjie meer oor hulle ...

Pieter

Gebore 23 Mei 1943 in Johannesburg as derde en jongste kind van dr SP en Betsie van der Walt.

Skoolloopbaan: Auckland Park Laerskool, Moorivier Laerskool (Hoofseun) en Potchefstroom Gimnasium. Matrikuleer in 1960.

Begin met Teologiese Studies in 1961. Dien vir twee jaar (1964 en 1965) op die Studenteraad van die PU vir CHO. Ontvang in 1965 die Abe Bailey Beurs en besoek Engeland, Skotland en Wallis saam met studente van ander Universiteite.

Na voltooiing van BA en Th.B grade in 1968 dien ek as predikant in die volgende gemeentes: Marble Hall (1969-1975), Durban-Wes (1975-1982) en Bethlehem (1982-2008). Emeriteer in Nov 2008 na 40 jaar in die bediening en woon daarna vir 8 jaar in Centurion tot Januarie 2017 toe ons na Potchefstroom verhuis het.

Getroud met Marthie, 'n nooi Vorster, van Rustenburg wat ek op die Puk ontmoet het. Ons het vier getroude kinders: Hannalie (Australië), Sarel, professor aan die TSP (Potchefstroom), Jan (Johannesburg) en Pieter (Pretoria) en 9 kleinkinders, waarvan drie in Australië is.

In my bedieningstyd dien op verskeie deputategroepe, was lid van die kuratoriums van die Hammanskraalse Teologiese Skool (1983-1984) en die Teologiese Skool Potchefstroom (1985-2008). Van laasgenoemde was ek voorsitter van 2002-2008).

Dien by drie Nasionale Sinodes op die Moderamen: Adjunk Skriba (2000), Voorsitter (2003) en Onder Voorsitter (2006). Was Voorsitter van die Feeskomitee wat verantwoordelik was vir die viering van die 150-jarige bestaan van die Gereformeerde Kerke in SA en gaan voor in die erediens by hierdie geleentheid in die amfiteater van die Puk.

Ek en Marthie speel steeds gereeld tennis en is lede van die Park Tennisklub.

Marthie

Gebore op 27 Januarie 1943 in Rustenburg as tweede kind van Jan en Hansie Vorster. Matrikuleer in 1960 aan die Hoërskool Rustenburg en bekwaam haar as onderwyseres aan die PU vir CHO waarna sy skoolgehou het by Drie Riviere Hoërskool, Potchefstroom Gimnasium en Bethlehem Voortrekker Hoërskool.

NOG HULPDIENS UIT 'N ANDER OORD:

Prof Herrie van Rooy gaan ook vir ons hulpdiens lewer met die pastorale versorging van lidmate. Hy is ongelukkig nou in die buiteland en sal daar mee begin sodra hy en sy vrou Jacoba terugkeer op 1 September. Hy neem groepe 1, 23 en 26 en nog 'n aantal individuele senior lidmate onder sy sorg. Ons sal hulle ook op gepaste wyse aan die gemeente voorstel met hulle terugkeer.

PROGRAM VAN DIE WEEK

Vandag

09:15 Gebedsgroep
09:30 Oggenddiens
Kleuterbediening
Katkisasie les 16
Tee en Koffie
18:00 Aanddiens

Dinsdag

06:00 Manne-ondersteuningsgroep aan huis van Gerhard Turkstra

Woensdag - Vrouedag

17:30 Gesprek en toerusting oor Kultus- "kerke" vir graad 9 en 10 katkisante, ouers en alle ander belangstellendes in die gemeente.

Donderdag

17:30 Eiendomme-diensgroep

TOERUSTING OOR KULTUSSE - WOENSDAGAAND

Al ons lidmate is hartlik welkom om eerskomende Woensdag (Vrouedag) om 17:30 'n gesprek oor kultus- "kerke" te kom bywoon. Finale jaar teologiese student, Daniel Maritz, kom om met die gr 9 en 10 katkisasieklaas hieroor te gesels, maar ons nooi graag enige ander lidmaat uit om saam te kom luister.

VERJAARSDAE

Baie geluk aan almal wat DV hierdie week verjaar!

Sondag, 6 Augustus

Br Jan-Harm Burger	
Br Neels Coetzer	082 940 6040
Br Petri Schutte (71)	082 375 3331

Maandag, 7 Augustus

Br Willem de Jager (82)	072 124 7296
Br Herrie v Rooy	083 700 3933

Dinsdag, 8 Augustus

Br Ben Steyn	082 900 5208
Br Jaco v Rooyen	072 317 8500

Woensdag, 9 Augustus

Br Gerrit J v Rensburg	082 376 4856
------------------------	--------------

Sr Mari Steyn 082 850 1706

Donderdag, 10 Augustus

Br Michiel de Kock 082 857 8619
Jbr Stefnu Earle
Sr Henda Joubert 082 466 3695
Jsr Vanessa v Rooyen 072 185 0829

Vrydag, 11 Augustus

Sr Lana Laufs 076 958 5752
Jbr Wynand Lubbe
Br Willie van der Walt 083 797 5246

AFKONDIGINGS

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir die Emeritusfonds.
- Gawes volgende Sondag vir die Teologiese studentekas.
- Vrywillige bydrae vir voertuigsekuriteit in die bussies by die deure.
- Diensbeurte: Groep 27 en 28.

FONDSINSAMELING: HUIS ANNA VILJOEN

Die PUK-koor tree op 18 Augustus om 18:30 vir 19:00 op by NG Kerk, Potchefstroom-Oos. Kaartjies R100 p/persoon. Ons nooi almal hartlik uit om hierdie geleentheid te ondersteun - die fondse is ten bate van Huis Anna Viljoen waar 'n hele aantal van ons lidmate versorg word. Kom ons ondersteun hulle.

DANKIE

Hartlike dank aan groep 41 vir jul briljante besluit op 'n gesamentlike herwinningsprojek by ons kerk! Nou hoef ons nie meer al die pad na die Industriële gebied te ry nie!

Tannie Yda

BILTONGAAND - BAIE DANKIE

Ons het Vrydagaand so lekker saam gekuier - dankie vir almal se ondersteuning! Baie dankie aan die komitee wat vir ons die aand gereël het en in besonder aan Pottie en Ina Potgieter (en hulle span) wat elke jaar sorg vir die

heerlike biltong en droewors. Dankie aan elke gasvrou wat tafels geneem het en ons gaste keurig onthaal het.

KINDERFEES

Soos wat u reeds verlede week gehoor het werk ons al hard aan die Kinderfees wat gehou word van 2 - 6 Oktober 2017.



Ons wil graag 'n whatsapp-gebedsgroep spesiaal vir hierdie projek op die been bring. Stuur jou selnommer na Engela vd Walt 082 556 7806 indien jy deel van die groep wil wees.

Ons benodig die volgende items om dekor-items en ander benodighede te maak, indien enige lidmate ons hiermee kan help sal ons dit baie waardeer:

- Houtlym
- Papierborde
- Watte
- Swart filtpenne
- Skêrre
- 2 x pvc-pype van ongeveer 2,5m
- Leë toiletrolletjies
- Leë 250 ml koeldrankbotteltjies (benodig 70)
- Gekleurde karton
- Bostik (Buisies)
- Roomys-stokkies
- Ryg-kraletjies
- Inkleurpotlode, uitdraai-vetkryte

Benodig iemand wat met 'n figuur-saag kan werk om ons te help figure uitsny. ("Hardboard")

GEMEENTELIKE HERWINNINGSWERK

Groep 41 het besluit om ons gemeente en omgewing bewus te maak van herwinning. Daar is 'n herwinningshok teen ons noorde-muur langs die klimrame geplaas, waarin die volgende items gegooi kan word : Papier, plastiek, karton, glas, blikkies en polystyrene. Dit hoef nie noodwendig gesorteer te wees nie, maar die herwinningsitems moet wel in



plastieksakke toegebied wees.

ASB GEEN huisafval nie! Die glas/blikkies/plastiek moet asb uitgespoel wees en nie vuil ingegooi word nie.

Maak ook voorstelle vir 'n lekker naam vir hierdie herwinningsprojek.

Moedig gerus ook vriende en bure aan om van die fasilitet gebruik te maak.

VERSOEK VANAF DIE DIAKONIE - SKENKING VAN ITEMS

Ons ervaar 'n toenemende behoefte aan lidmate wat ondersteuning nodig het. Baie dankie vir almal wat getrou hulle liefdegawes met die insameling tydens die eredienste gee sodat die Diakens die versorging kan doen. Baie dankie aan kleingroepe wat ook tydens hulle byeenkomste vir die doel bydrae. Laasgenoemde fondse word nou gebruik om vars groente en vrugte aan te koop en te versprei.

Ons wil steeds lidmate aanmoedig om Sondae items saam te bring vir behoeftiges om in die houtkratte in die voorportaal te plaas. **HIER WIL ONS VERSOEK:** **bring asseblief ook items vir mense se persoonlike gebruik soos tandepasta, shampoo, ens.** Blikkieskos en ander nie-bederfbare voedselprodukte is steeds ook welkom en word gebruik.

KENNISGEWING VANAF DIE DIAKONIE: LIEFDEGAWES VIR BARMHARTIGHEID DEUR SELFOON TOEPASSING: ZAPPER

Het jy vergeet om kontant te bring vir jou liefdegawe vir Barmhartigheid tydens die erediens? Moenie bekommer nie! Nou kan jy

dit per selfoon bydrae deur middel van die Zapper toepassing op jou slimfoon. Laai die Zapper toepassing op jou selfoon af, skandeer die unieke QR

simboolkode met jou foon, voeg 'n bedrag in en stuur. Dit is vinnig en veilig.

Hierdie QR simboolkode is gekoppel aan die Diakonie se rekening en **slegs bydraes vir Barmhartigheid** kan daarmee gemaak word - geen ander betalings aan die Diakonie of kerkraad nie.

BEROEPE NUUS

BEROEP AANVAAR

- Ds N Pienaar (Nikolaas) van Pretoria-Wes na Oos-Londen.

SOSIALE MEDIA VIR ONS GEMEENTE

Webblad: www.oosdoppers.co.za

Facebook:

www.facebook.com/oosdoppers



Beeldmateriaal van preke kan hier gesien word:

<http://ow.ly/ivfZ309vsdc>. Ds Piet stuur weekliks sy preke per e-pos uit. Laat weet hulle indien jy dit wil ontvang.

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt - 082 851 3637

Kerkkantoor: 018 290 7690





SUSTERS IN DIE GELOOF

"DIE VREUGDE VAN 'n LEWENDE GELOOF"

TEESKINKGELEENTHEID



Tee word **vandag** onder die leiding van Ina Jordaan (Groep 17), Estelle v Hamburg (Groep 18) en Elize Schutte (Groep 19) bedien.

Volgende week skink Marian de Kock (Groep 20), Elsie Buijs (Groep 22) en Gerda Reitsma (Groep 24) tee. *Baie dankie julle!*

- *Baie dankie aan die groepsusters en hulle groepe se susters en broers wat met die skink en opwas help!*
- *Ons moedig susters en broers aan om met die skink en opwas te kom help – so leer ons mekaar en ons nuwe groepe beter ken!*

SUSTERSBYDRAE

Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelings-geleenthede geïn word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. ***Die blikkies se kleingeld het dit moontlik gemaak vir die susters om in 2016 vir 29 persone 'n blomme-bederf of iets anders te gee. Baie dankie vir julle getroue bydra!***

Kwartaalprogram

Dinsdag, 22 Augustus - Sustersamekoms om 19:00 in die Skuur. (Shantell

Andersen en blok C)

Sondag, 17 September - Ouderlingevergadering (Groepsusters van blok B)

Sondag, 24 September - Nagmaal en ete (Annelie Pheiffer en blok D)



OOSDOPPERTJIES

Jes. 43:1b "Ek het jou op jou naam geroep,
jy is myne."



NUUS UIT DIE BYBELKOERANT RABBI JESUS TEREGGESTEL

JERUSALEM. - Die rabbi Jesus van Nasaret is vanoggend saam met twee ander misdadigers op die huwel Golgota gekruisig. Dit bring 'n einde aan 'n lang en onverkwiklike stryd tussen hom en die Joodse godsdiensleiers.

Hoewel die priesterhoofde en Skrifgeleerde al lankal verontrus is oor Jesus se optrede, wou hulle nie die fees ontsier met 'n hofgeding en teregstelling nie. Sake is egter gister op die spits gedryf toe een van Jesus se dissipels, Judas Iskariot, na vore gekom het met 'n plan om hom in hegtenis te neem op 'n plek buite die openbareoog. Met Judas se hulp is Jesus gisteraand laat in Getsemane gevang, waar hy en sy dissipels na die Paasfeesmaaltyd was.

'N Noodsitting van die Joodse Raad is in die middernagtelike ure belê. Hulle het Jesus aan godslastering skuldig bevind, en hom die doodsvonnis opgelê. Daarna het hulle hom vroeg vanoggend na goewerneur Pilatus gestuur op 'n aanklag van hoogverraad. Nadat die goewerneur die saak ondersoek en ook koning Herodes geraadpleeg het, het hy die vonnis bekragtig.

Om nege-uur vanoggend is hy saam met twee rowers gekruisig.

Lees hiervan in Mat. 26 en 27.

BAIE DANKIE AAN ONS BORG VAN DIE WEEK!

Sanet Ras Prokureurs

OPSTEL VAN TESTAMENTE.

BEREDDERING VAN BOEDELS.

ALLE EIENDOMSTRANSAKSIES.

Van Riebeeckstraat 101, Potchefstroom
Tel: (018) 294-8953 k/u

TOPIA in Malawië

'n Opwindende nuwe hoofstuk vir TOPIA (Training of Pastors in Africa). Dit is die woorde waarmee ons ons onlangse besoek aan Malawië kan beskryf. TOPIA se opleiding word nie meer net deur Johannes Aucamp gedoen nie. Hy lei nou ook ander op om dit te gaan doen. Op hierdie manier kan TOPIA meer plekke meer gereeld in Afrika bereik.

Met ons onlangse besoek aan Malawië het ons opleiding gaan doen om die EPC (Evangelical Presbyterian Church) daar by te staan. Hulle is 'n relatief jong kerkverband wat vinnig groei. Op hierdie oomblik het hulle nie baie opgeleide predikante nie. Die gevolg is dat heelwat van die Prayer Houses (die naam wat hul klein gemeentjies het) deur plaaslike kerkkleiers bedien word wat nie veel opleiding het nie. Dreyer en Gerhard het na die Machinga-streek gegaan om daar te help met opleiding en toerusting van kerkkleiers.

Daar was mense van 10 Prayer Houses teenwoordig. Die toerusting het sterk gefokus op basiese dissipelskap en om die mense 'n Bybelstudiemetode te leer wat hul met vrug kan gebruik om Bybelstudie saam met ander mense te doen. Die belangrike boodskap was dat ons elkeen geroep is om ons Here Jesus te volg en om ander mense van Hom te vertel. Die toerusting het oor 3 dae plaasgevind met die hulp van Samuel, 'n uiters bekwame tolk wat DV binnekort as predikant van die EPC bevestig word. Nie almal kon van die begin af daar wees nie, so daar moes gereeld herhaal word. Die toerusting is op 'n baie praktiese manier aangebied om seker te maak dat almal wat daar is kan verstaan.

Die besoek daar is afgesluit met 'n erediens die Sondagoggend. Dit was so versterkend om te sien hoe mense wat in 'n heeltemal ander wêreld as ons lewe, dieselfde geloof as ons bely en ons Here Jesus in alles wil volg. Al het die mense nie baie nie, het hul ons toegevou met hul liefde en diensbaarheid. Ons was in alles heeltemal van hulle afhanklik (vir kos, vervoer, ens.) en sal hul diensbaarheid en liefde nie vinnig vergeet nie.

Hoe kan jy betrokke wees met TOPIA?

- Bid vir die EPC in Malawië. Die gelowiges daar dien en volg die Here in moeilike omstandighede. Die Prayer House waar ons die opleiding gedoen het, was bv. 'n paar maande voordat ons daar was, deur Moslems aan die brand gesteek. Die gelowiges daar kon daarna weer die dak herstel sodat hulle 'n plek kan hê om bymekaar te kom.
- Oorweeg dit om die predikant wat by jul gemeente dien, beskikbaar te stel om 2 keer 'n jaar vir 'n week lank opleiding in Afrika te gaan doen.
- As dit vir jou of jou gemeente moontlik is, maak 'n finansiële bydrae aan TOPIA sodat die werk kan voortgaan.
- Kontak Johannes Aucamp as jy meer aktief betrokke wil wees
Selnommer: 072 815 7375 Epos: johannes@topia.org.za
- Kontak Icel Burger as jy nuus oor TOPIA se dienswerk via epos of *Whatsapp* wil ontvang.
Epos: icel@watu.co.za

Ons is dankbaar teenoor die Here vir hierdie roeping en geleentheid om diensbaar aan ander gelowiges te wees. Ons gebed is dat dit nie net 'n verskil in hul lewens maak nie, maar ook in ons eie. Mag ons elkeen aanhou om ons Here van harte lief te hê en om Hom in alles te volg.

Gerhard van Rhyn (GK Rietvallei) en Dreyer Potgieter (GK Meyerspark)